

U skladu sa članom 13. i 15. Uredbe o vrstama i sadržaju planova zaštite od poplava i leda ("Službene novine Federacije BiH", broj: 26/09) Agencija za vodno područje rijeke Save u Federaciji BiH

objavljuje

**RADNI PLAN ZA PRIPREMU I USVAJANJE
PLANA UPRAVLJANJA RIZIKOM OD POPLAVA
ZA VODNO PODRUČJE RIJEKE SAVE U FEDERACIJI BIH (2024 – 2029)**

Uredba o vrstama i sadržaju planova zaštite od poplava i leda u dijelu pod nazivom „Planovi upravljanja poplavnim rizikom“ koji obuhvata članove 10 - 12, definira obavezu donošenja, sadržaj i obuhvat planova upravljanja rizikom od poplava na definiranim vodnim područjima.

Strategija upravljanja vodama je osnovni dokument koji određuje i politiku upravljanja poplavama, a planovi upravljanja poplavnim rizikom trebaju osigurati realizaciju Strateškog operativnog cilja 25. *Izrada i donošenje planova za zaštitu od štetnog djelovanja voda.*

U skladu sa članom 156. Zakona o vodama Federacije BiH ("Službene novine Federacije BiH", broj: 70/06), Agencija za vodno područje rijeke Save (AVP Sava) priprema planove za sprečavanje i smanjenje štetnih uticaja prouzrokovanih poplavama što i predstavlja Plan upravljanja rizikom od poplava za vodno područje rijeke Sava u Federaciji BiH (PURP VPS FBiH).

Članovi 13. i 14. Uredbe propisuju usklađenost planova upravljanja poplavnim rizikom sa planovima upravljanja vodama, informisanje i sudjelovanje javnosti u procesu donošenja ovih planova. Procedura donošenja planova poplavnim rizikom je definisana članovima 15. i 16. Uredbe.

Plan upravljanja rizikom od poplava za vodno područje rijeke Save se implemenira u sklopu Projekta pod nazivom „Tehnička pomoć za pripremu planova upravljanja rizikom od poplava za Bosnu i Hercegovinu“ koji se finansira iz IPA II fonda, a implementira uz pomoć Delegacije Evropske unije u BiH.

Sadržaj Plana upravljanja poplavnim rizikom za vodno područje rijeke Sava u Federaciji BiH (PURP VPS FBiH):

1. UVOD I OSNOVNE INFORMACIJE
 - 1.1 Pregled
 - 1.2 Poplave i rizik od poplava na vodnom području rijeke Save u FBiH
 - 1.2.1 Poplave i uzroci njihovog nastanka
 - 1.2.2 Uticaji plavljenja
 - 1.3 Osnovne informacije
 - 1.3.1 Politike i zakonski okvir
 - 1.3.2 Nadležne institucije
 - 1.3.3 Relevantni projekti upravljanja rizikom od poplava
 - 1.3.4 Ostale vezane politike i planovi
2. UPRAVLJANJE RIZIKOM OD POPLAVA
 - 2.1 Pregled
 - 2.2 Definicija ciljeva upravljanja rizikom od poplava

3. OPĆE KARAKTERISTIKE VODNOG PODRUČJA RIJEKE SAVE
 - 3.1. Topografija
 - 3.2. Geologija i tlo
 - 3.3. Korištenje zemljišta i upravljanje zemljištem
 - 3.3.1 Urbana područja
 - 3.3.2 Zemljišni pokrivač / Korištenje zemljišta
 - 3.4. Hidrologija
 - 3.5. Prethodni poplavni događaji
 - 3.6. Mjere planirane za razmatranje u PURP
4. PRELIMINARNA PROCJENA RIZIKA OD POPLAVA (REZULTATI I ZAKLJUČCI)
 - 4.1 Osnovne informacije
 - 4.2 Rezultati
5. MAPE OPASNOSTI I MAPE RIZIKA OD POPLAVA (REZULTATI I ZAKLJUČCI)
 - 5.1 LiDAR i geodetsko snimanje
 - 5.2 Hidrološke analize
 - 5.2.1 Prikupljanje i analiza podataka
 - 5.2.2 Pristup
 - 5.3 Hidrauličko modeliranje
 - 5.4 Mapiranje opasnosti od poplava
 - 5.5. Mapiranje rizika od poplava
 - 5.6 Uzimanje u obzir klimatskih promjena
6. CILJEVI PLANA UPRAVLJANJA RIZIKOM OD POPLAVA
7. MJERE
 - 7.1 Katalog mjera
 - 7.2 Provedene analize za odabir najefikasnijih i najprikladnijih opcija za mjere
 - 7.3 Predložene mjere
8. PRIORITIZACIJA PREDLOŽENIH MJERA
 - 8.1 Analiza troškova i koristi (CBA)
 - 8.2 Višekriterijska analiza (MCA)
9. INTEGRACIJA UTJECAJA KLIMATSKIH PROMJENA
10. SAŽETAK PREDLOŽENIH MJERA
11. PLAN IMPLEMENTACIJE, MONITORING I REVIZIJA
 - 11.1 Plan implementacije mjera
 - 11.2 Monitoring napretka implementacije i izvještavanje
 - 11.3 Finansiranje mjera
 - 11.4 Koordinacija sa planovima upravljanja riječnim slivom
 - 11.5 Koordinacija sa drugim planovima upravljanja rizikom od poplava u BiH
 - 11.6 Međunarodna koordinacija i saradnja u implementaciji Direktive o poplavama
12. INFORMISANJE JAVNOSTI I JAVNE KONSULTACIJE
13. ZAKLJUČCI I PREPORUKE
14. REFERENCE

Plan utvrđuje ciljeve, aktivnosti i mjere koje se smatraju najprikladnijim i relevantnim za vodno područje rijeke Sava u Federaciji BiH. Mjere u okviru ovog Plana imaju različite prostorne obuhvate koji su definirani u skladu sa Vodičem za izvještavanje pod Direktivom o poplavama.

VREMENSKI RASPORED IZRADE PLANA UPRAVLJANJA RIZIKOM OD POPLAVA ZA VODNO PODRUČJE RIJEKE SAVA U FEDERACIJI BIH (2024 – 2029)

Tijekom pripreme PURP VPS FBIH 2024-2029 koji se planira dovršiti do kraja 2023. godine, a u skladu sa članom 38. Zakona o vodama FBiH, AVP Sava FBiH će se na web stranici objaviti i upoznati zainteresovanu javnost o sljedećim aktivnostima i dokumentima:

1. Radni plan izrade PURP VPS FBIH (2024-2029) s vremenskim rasporedom i programom rada, uključivo njegov sadržaj i program konzultiranja javnosti,
2. Nacrt PURP VPS FBIH (2024-2029)
3. Prijedlog PURP VPS FBIH (2024-2029).

U skladu sa članom 38 Zakona o vodama, na pisani zahtjev pojedinih pravnih i fizičkih osoba odobrit će im se uvid u popratnu dokumentaciju i informacije korištene u izradi nacrtu PURP VPS FBIH (2024-2029), a najmanje 3 mjeseci će se osigurati za dostavu pisanih primjedbi.

U narednoj tabeli je dat dinamički prikaz aktivnosti za pripremu i usvajanje Plana upravljanja rizikom od poplava za vodno područje rijeke Sava u Federaciji BiH (2024–2029).

1.	Objavljivanje Radnog plana za pripremu i usvajanje PURP VPS FBIH (2024-2029)	07/2022
2.	Objava Nacrta PURP VPS FBIH (2024-2029) i Nacrta SPUO (početak procesa konsultiranja javnosti)	09/2022
3.	Javna rasprava i krajnji rok za dostavljanje primjedbi na PURP VPS FBIH (2024-2029) i Nacrt SPUO	09/2022 do 02/2023
4.	Izrada Prijedloga PURP VPS FBIH (2024-2029) i Končne verzije SPUO	03/2023
5.	Dostava Prijedloga PURP VPS FBIH (2024-2029) FMPVŠ-u u svrhu pokretanja i provođenja potrebnih procedura potrebnih za usvajanje istog od strane Vlade Federacije BiH	03/2023